



basic education

Department:
Basic Education
REPUBLIC OF SOUTH AFRICA

NATIONAL SENIOR CERTIFICATE

LIBANGA 12

SISWATI LULWIMI LWASEKHAYA (HL)

LIPHEPHA LESIBILI (P2)

LWETI 2010

IMEMORANDAMU

EMAMAKI: 80

Lememorandamu inemakhasi lange-20.

TICONDZISO TEKUMAKA

- Nangabe umhlolwa aphendvule imibuto lengetulu kwaleyo lelindzelekile, maka timphendvulo letisekucaleni kuphela. (Umhlolwa akumelanga aphendvule indzabambhalo kanye nemibuto lemifisha encwadzini yinye.)
- Esigabeni A (Lulwimi Lwasekhaya neLulwimi Lwekucala Lwekwengeta), uma ngabe umhlolwa aphendvule ngato tonkhe totine tinkondlo, maka letimbili tekucala kuphela.
- Esigabeni B naC (Lulwimi Lwasekhaya), uma umhlolwa aphendvule imibuto lemibili kulemifisha nobe imibuto lemibili yetindzabambhalo, maka imphendvulo yekucala kuphela uyekele lelandzelako. Uma ngabe umhlolwa aphendvule yomine imibuto, maka kuphela imphendvulo yembuto wekucala kuleso naleso s igaba, nangabe aphendvule munye umbuto lonemibuto lemifisha namunye umbuto wendzabambhalo. Uma ngabe umhlolwa anika timphendvulo letimbili kantsi wekucala uneliphutsa ibe wesibili awunaliphutsa, maka imphendvulo yekucala kuphela uyekele lelandzelako.
- Uma tinombolo tetimphendvulo tinemaphutsa, maka ulandzele imemorandamu.
- Uma ngabe liphutsa lesipelingi litsikameta inshokutsi, akunganikwa limaki, kantsi nangabe inshokutsi ayitsikameteki, kunganikwa limaki.
- Umbuto wendzabambhalo: Uma ngabe indzabambhalo inemagama langaphasi kwalawo lemisiwe, umhlolwa angajeziwa ngobe vele sewutijezise yena ngekwakhe. Uma ngabe indzabambhalo iyindze kakhulu, umhlolwa akavunyelwe kwengca ngemagama langema-30 ngetulu kwelinani lelimisiwe lemagama bese **incenye lelandzelako yendzabambhalo ayisanakwa.**
- Imibuto lemifisha: uma ngabe umhlolwa angafaki bokhulumile nangabe kufanele acaphune **akangajeziwa.**
- Imibuto lefuna timphendvulo letifuna LICINISO/LIPHUTSA, nobe LIPHUZU/UMBONO, limaki kumele lehlukaniswe emkhatsini, i.e.nika linye limaki, yeLICINISO/LIPHUTSA, nobe LIPHUZU/UMBONO kantsi futsi limaki lesizatfu /kwesekela/kucaphuna kumele linikwe **kuphela** nangabe incenye yemibuto yeLICINISO/LIPHUTSA, nobe LIPHUZU/UMBONO ingenaliphutsa. (kungabonikwa limaki embutweni lofuna kwesekela nobe inchazelo (LICINISO/LIPHUTSA, nobe LIPHUZU/UMBONO) lobewuvele uneliphutsa kwasekucaleni.

SIGABA A: TINKONDLO**TINKONDLO LETIFUNDVWE EKILASINI****UMBUTO 1: WEHLA ESIPHUNDVU – CD Masilela INDZATJANA**Singeniso

Lenkondlo ikhuluma ngetidzakamiva/ngemali/ngemfundvo

Lapha kulindzelwe kwekutsi kuvetwe kahle likhono lasonkondlo ekusebentiseni kwakhe sifaniso. Akubhekiswe kunati letilandzelako:

- Uhlakaniphe njengachakijane,
 - Unjengelisoka...
 - Lingidoba njengenhlangi,
 - Unjengemlilo...
 - Unjengemngani lonemahlaya,
 - Unjengemakha lengititsela ngawo,
 - Unjengato tonkhe tinongo tekudla,
- (Imibono itawehluka kuye ngekwesekela kwalohlolwako.)

BONA EMARUBHRIKI EKUMAKWA KWENDZATJANAMBHALO YETINKONDLO SICHIBIYELO A.

[10]**NOBE****TIMPHENDVULO TEMIBUTO LEMIFISHA****UMBUTO 2: NTFOMBI YETIMANGA – SR Mdluli**

- | | | |
|-----|--|-----|
| 2.1 | Luhlobo lwesifanamsindvo lekutsiwa sifanangwaca/sifanangwaca sa-‘b’. | (1) |
| 2.2 | Kudvonsa umoya nobe kuphumula kancane./sidvonsamoya/isizura/kuhlaba likhefu. | (1) |
| 2.3 | Imidlalo leminyenti (imidlalodlalo) iyakhonjwa kumabonakhashane, (Imibono itawehluka)/imidlalo leminyenti leyehlukahlukene./Imidlalo leminyenti levetwa kumabonakhashane. | (1) |
| 2.4 | Usitjela kwekutsi kubomabonakhashane kunetinhlobo letinyenti letentelwe kutsi tibukelwe bokhewane kuze bacitse situnge./ Bantfwana labancane bayabukela bajabule/bahlekelele. | |
| 2.5 | Lenkondlo ikhuluma ngamabonakhashane. Ngiko nje konkhe lekhumuma ngako kumayelana netinhlobo letetayelekile lesivame kutibona nangabe kudlala yena mabonakhashane./ Ingakhuluma ngemali. Ngaphandle kwayo kute lokungenteka. (Naleminye imibono lesekelwe ngalokwemukelekile.) | (2) |
| 2.6 | Uwubhekise ebantfwini labamavila nalabo labangasebenti. /bokhewane/ labasempheshenini/ labangafundzi/tidzakwa/tinjinga. (kubili kwaloku) (Imibono lehlukene). | (2) |

- 2.7 Sonkondlo usebentise sifanisongco watsi mabonakhashane yintfombi/yimali. Intfombi/imali kuyatsandzeka. (Kwehlukana kwemibono) (2)
[10]

NOBE**UMBUTO 3: MAHLAHLANDLELA – JJ Thwala**

- 3.1 Imvumelwanomkhatsini/imvumelwanomaphakatsi (1)
- 3.2 Usesimeni sekujabula, uyahalalisela, uyadvumisa, uyagcugcutela. (Kunye kwaloku). (1)
- 3.3 Intfutuko, imphumelelo, inhlanhla, inkhululeko, imfundvo. (Kunye kwaloku). (1)
- 3.4 Kumuntfutisa, sicedzelelamcondvo, luchumanomcondvo/i-enjambamenti, sifanisongco (lusapho). (1)
- 3.5 Umugca we-19 unemagama lamatsatfu kantsi umugca we-22 wona unemagama lamabili nje kuphela. Loku kwenta iphethini kanye nesigci senkondlo kwekutsi kungefani kulemigca yenkondlo lecashuniwe. Igcamisa linani lemagama kutsi asuka kulamabili aye kulamatsatfu. (2)
- 3.6
- Buthishela - bafundzise ummango,
 - Budokotela - belaphe ummango
 - Balimisi - bafundzise ummango ngetekulima
 - Buhlengikati – belaphe tigulane.
 - Emaphoyisa (Imibono itawehluka) (kubili) (2)
- 3.7 Ungaba liciniso ngobe banyenti bantfu labatiphilisa ngemfundvo. Labanye bangatsi ngumbono nje ngobe banyenti bantfu labafundzile labahleti emakhaya bangawutfo umsebenzi, imfundvo yabo ayibenteli lutfo. (imibono itawehluka.) (2)
[10]

NOBE**UMBUTO 4: KANTS' UPHUMULA NINI? – JJ Ncongwane**

- 4.1 Kants'uphumula nini? (1)
- 4.2 Lisebenta kutjela umfundzi walenkondlo kwekutsi umcondvo locuketfwe emgceni wekucala uphelela emgceni lolandzelako nobe sicedzelelamcondvo. / Luphawu lwekuchubeka kwengcondvo/inhlitiyo. /Kukhomba kutsi lomcondvo awukapheleli./ Kunemagama lashiye./ Kukhona lokusasele sonkondlo lafuna kukusho. (1)
- 4.3 Ngumbuto longadzingi mphendvulo. (1)
- 4.4 Nangabe umuntfu sekashonile./nasewufile/nasewuhambile emhlabeni. (1)

- 4.5 Imphindza, imvumelwanosicalo, silinganisomcondvo lesivumako, luchumanomkhatsini, sifanankhamisa 'u', lphethini ayilingani emagama asuka ku 3 aye ku 4. (Nalokunye lokubili kwaloku) (2)
- 4.6 Kutibophelela nekwetsembeka lokukhulu. Nobe singadzinwa njani, sihlale silale, siphumule, inhlitiyo yemuntfu ihlala imsebentela umnikati ngato tonkhe tikhatsi ekuphileni kwemuntfu. (Naleminye imibono) /Kubalulekile kutsi umuntfu nakadziniwe kumbe akhatsatekile emoyeni nobe engcondvweni ahlale endzaweni lepholile aphumule. (2)
- 4.7
- Kudla kudla lokunemphilo,
 - Kuvocavoca umtimba,
 - Kudlala imidlalo,
 - Kuya kadokotela wenhlitiyo lokungenani kanye ngemnyaka. (Nalokunye) (Kubili kuphela) (2)
- [10]**

TINKONDLO LETINGAKAFUNDVWA EKILASINI

UMBUTO 5: ISAHARA – JP Shongwe INDZATJANA

Nankha emaphuzu lekufanele abe khona.

- Utsi lomuntfu longuSahara lakhuluma naye unyonyoba njengeligoya.
- Utsi sitfunti sakhe siyesabeka.
- Utsi akahlehle ngobe sitfunti sakhe sisindza indlu lentima..
- Angahlehla bantfwana be-Afrika batawuphuma bagidze.
- Utsi sonkondlo lulwimi lwalomuntfu lakhuluma naye selukhotse lwayicedza imifula nemitfombo.
- Utsi akasuse tidladla takhe abuyele kulemdzabu wakubo.
- Utsi akagoc'umboko wakhe atfutse.
- Utsi akahambe ayewudla abuye ayewunats' elwandle ngobe liphango lakhe lingumgodzi wemayini, lingete leneliswa ngulelivana lalinyonyobelako.
- Utsi akadede bakhe emachugwane, akasiphuke khona batewulima imifino, bahlanye kudla kwe-Afrika labatawufunta ngako intalelwane yabokhokho bayo.

BONA EMARUBHRIKI EKUMAKWA KWENDZATJANAMBHALO YETINKONDLO SICHIBIYELO A

[10]

NOBE

TIMPHENDVULO TEMIBUTO LEMIFISHANE

UMBUTO 6: NGOBA ASIDZELI – TB Thela

- 6.1 Ukhombisa kumangala/Kubabata ngaloku lakubonako./Kugcizelela. (1)
- 6.2 Luchumano lolutjekile/Loluvundlile./Luchumano maphakatsi (1)
- 6.3 Umcondvo losemgceni wekucala uphelela emgceni lolandzelako / sicedzelelamcondco./i-enjambamenti. (1)

- 6.4 Umoya wekudvumala/wekugceka/wekululeka/wekumangala. (1)
- 6.5 Ungakulahli loko lonako ngobe kusasa utakudzinga, nasewukufuna kungenteka ungasakutfoli /Ungabi ngutsatsekile /Ungalahli litsemba. /Ungaboyifisa intfo longeke uyitfole /Yeneliswa ngulonako /Beketela kuze utfole lokufunako. (2)
- 6.6 Asibuyele emasikweni etfu singatsatsi alabanye siwente etfu. /Lokwenteka namuhla kuyasisita kutsi silungise emaphutsa akusasa. /Lokwentka esikhatsini lesitako kweyemene kulokuke kwenteka. (2)
- 6.7 Isonethi ngobe inemigca le-14. (2)
- [10]**

SAMBA SIGABA A: 30

SIGABA B: INOVELI**LIPHUME NEBOVU – BB Malangwane****UMBUTO 7: INDZABAMBHALO**

(Timphehndvulo titaweuhluka.)

Bahlolwa batawulandzela loluhlaka lolulandzelako:

SINGENISO:

Bahlolwa batawuphawula ngesihloko: sib. Umphumela wekutfukutsela; kuphuma kwemuntfu esimilweni ngenca yentfukutselo; kuntjintja kwesimo salotfukutsele; kungasacabangi kahle, (Imibono itaweuhluka)

UMTIMBA WENDZABAMBHALO KUCONDZISWE KULUSHAWULO:

(Akuvele lamaphuzu lalandzelako):

- ❖ Kutfukutsela angayi emngcwabeni wemntfwanakhe.
- ❖ Kutfukutsela adzele umkakhe nebantfwana
- ❖ Kutfukutsela acoshe unina atsi uyatsakatsa
- ❖ Kutfukutsela angayi kuyovusela umkakhe esibhedlela.
- ❖ Kutfukutsela aze ashise tindlu temkakhe nendvodzana yakhe, njll

SIPHETFO:

Bahlolwa basonga konkhe loku labacoce ngako lapha ngenhla: sib.

- ❖ Letento letingenhla atemukeleki emmangweni ulahlekelwa ngulokukhona ngalokungekho ngenca yentfukutselo.
- ❖ Ulahlekelwa tihlobo nebangani ngaletento.
- ❖ Kutisola kamuva akusiti.
- ❖ Ulahlekelwa sitfunti emmangweni nasekhaya, (Imibono itaweuhluka)

BONA EMARUBHRIKI EKUMAKWA KWENDZABAMBHALO SICHIBIYELO B

[25]

NOBE**UMBUTO 8: IMIBUTO LEMIFISHA**

- 8.1 Inkholelo yendzabuko/yemdzabu/yetinyanga – Utsi ulihambe walicedza live ngetinyanga, futsi ukholwela ebutsakatsini / Koma bakucedza ngemahewu sinatfo semdzabu, Ukhuluma ngesitsembu/Yinkholelo yalabaphansi/ yemadloti / Umuntfu nenkholo yakhe (Imibono itaweuhluka) (2)
- 8.2 Tintfombi abesesigangeni lapho abekukubele/abekhukhubele khona atsi ugulelwa ngumntfwana. (2)
- 8.3 Sekutfolakele kutsi umuntfu lobulala bantfwabakhe ukhona lapha ekhaya futsi ngumkakhe longundvukutihlakakhe/ kodvwa ufuna kutikholisa ngekuya emkhayeni, ngobe unina sewucoshiwe/ naLaMagagula abengasamphatsi kahle nebantfwabakhe angasabaphatsi kahle/ sekacakekile kutsi lokungukona ngukuphi. (2)

- 8.4 Akusikuhle kutsi ukhiphele tibi tasekhaya ngaphandle/ Injobo itfungelwa ebandla. Imibono itawehluka, labanye batawuhambisana nembono labanye batawuphikisa besekele. (2)
- 8.5 Ungenti tintfo letingakalungi ucabange kutsi awunawubanjwa ngobe ayikho imphunga yelihlatsi. Tintfombi abecabanga kutsi ngete kwaphumela ebaleni kutsi ungumtsakatsi njengobe agcina ashaywe emkhayeni nje. (Imibono itawehluka.) Kunye kwaloku. (2)
- 8.6 Sitfolakala lapho Lushawulo sekatfolile kutsi lomtsakatsi nguTintfombi, lapho sekalungiselela kuya emkhayeni nemalunga emindeni yonkhe, ngoba bantfwabakhe sebachubeke njalo ngekufa. (2)
- 8.7 Lushawulo abemtsandza kakhulu umkakhe lomncane kodvwa ngaletento takhe tekutsakatsa wagcina sekamenyanya, angasamfuni nekucabanga ngaye kumbe kukhuluma ngaye. (2)
- 8.8 Lushawulo watisola ngekucosha unina ngalesikhatsi atfola kutsi akati lutfo / watisola ngekuhlukumeta LaMagagula abe angati lutfo/ watisola ngaloko abekwenta ebantfwaneni bakhe aze angeti nasemngcwabeni walomunye webantfwabakhe/ naletinye tigateko. (2)
- 8.9 Unina waLaMagagula wamtjela kutsi angayi kuyokwendza kaKhumalo, kandlunganye, kodvwa yena wachubeka. Naku Lushawulo nazakwabo neninatale besebamhlupha. (2)
- 8.10 LaMagagula kwatsi nobe sahlupheka kangakanani, afelwa bantfwana kodvwa wahlala wabeketela wangahambi kubuyela kabo. (2)
- 8.11 Tintfombi abecabanga kutsi indvodza yakhe iyomtsandza baze behlukaniswe kufa kantsi tintfo titamjikela agcine sashiselwe tindlu./Tintfombi abengacabangi kutsi titamshaya emkhayeni. (2)
- 8.12 Umlingisi lomcoka uvela ngalokusobala ngendlela ludvweshu lolusetjentiswe ngayo. Lushawulo, njengemlingisi lomcoka nguye lobonakalisa kuphambana nemibono yalabanyenti kusuka phasi lapho indzaba icala khona, lapho ashiya khona umkakhe nebantfwana kuze kufike ekugcineni lapho sekenta ludlame lwekugcina lwekushisa tindlu, angasafuni nekutsi kungene bantfu emtini wakhe nababuya emkhayeni, sekahlome aphelele ngetikhali takhe.(Tonkhe tigateko teludlame letiphatselene nalushawulo) (imibono itawehluka.) (3)
[25]

NOBE

KUBAMBA LETINGELAKO – DE Nkosi**UMBUTO 9: INDZABAMBHALO**

Indzabambhalo ngeligalelo lelifakwa balingisi ekutfufukiseni indzaba.

SINGENISO

Bahlolwa balindzeleke kutsi bakhulume ngaMphikeleli njengemmeleli kulomdlalo.

Tsabetse ayimbangi, Matsiya naMsiti babalekeleli kulomdlalo.

UMTIMBA

Bahlolwa baveta ligalelo lalowo nalowo mdlali njengoba avetwe lapha ngenhla:

- **Mphikeleli.**
Kuvetwa ligalelo lakhe lokufaka ekhatsi loku:
 - Mphikeleli ngummeleli kulomdlalo.
 - Nguye lobukene nenkinga yekufuna intfutuko lefaka ekhatsi imfundvo.
 - Ucishe ucoshwa esikolweni ngekucanjelwa emanga yimbangi yakhe Tsabetse.
 - Kuphumelela kwakhe esikolweni nasenyuvesi.
 - Kusebentela ummango kute atfutukise intfutuko.

(Nalamanye emaphuzu langakabalwa lapha, lenta kutsi indzaba ingakwati kuchubeka ngaphandle kwakhe.)
- **Tsabetse**
Kuvetwa ligalelo lakhe lelifaka ekhatsi loku:
 - Tsabetse yimbangi yaMphikeleli kulomdlalo.
 - Nguye lovimbela Mphikeleli kutsi atfufuke.
 - Ucala ngekumncisha indzawo yekuhlala.
 - Ufuna kumcoshisa esikolweni ngoba atsi uliphekulasikhuni futsi ubuya ejele.
 - Utsi bantfu abangavumi kutsi baphatfwe ngumchamuki

(Nalamanye emaphuzu langakabalwa lapha, lenta kutsi indzaba ingakwati kuchubeka ngaphandle kwakhe.)
- **Matsiya**
Kuvetwa ligalelo lakhe lelifaka ekhatsi loku:
 - Matsiya ngumelekeleli kulomdlalo.
 - Ungummeli ngekwetifundvo takhe
 - Nguye lowafunela Mphikeleli indzawo yekuhlala kaMvakali.
 - Nguye lowaba yindlebe yaMphikeleli lapho Tsabetse atsi umcoshisa esikolweni.
 - Umele umtsetfo nekusetjentiswa kahle kwemtsetfosisekelo welive.

(Nalamanye emaphuzu langakabalwa lapha, lenta kutsi indzaba ingakwati kuchubeka ngaphandle kwakhe.)
- **Msiti**
Kuvetwa ligalelo lakhe lelifaka ekhatsi loku:
 - Msiti naye ngumelekeleli kulomdlalo.
 - Ungumngani waMphikeleli esikolweni.
 - Nguye lositana naMphikeleli etifundvweni takhe kute baphumelele.
 - Ubambisene naye nasetindzabeni tekutfufukisa ummango

(Nalamanye emaphuzu langakabalwa lapha, lenta kutsi indzaba ingakwati kuchubeka ngaphandle kwakhe.)

SIPHETFO SENDZABAMBHALO

Umhlolwa uphawula ngekwembono wakhe ngemphumelelo yembhali ekusitfuleleni ligalelo lalabidlali, kuchubela umdlao phambili

BONA EMARUBHRIKI EKUMAKWA KWENDZABAMBHALO SICHIBIYELO B.

[25]

NOBE**UMBUTO 10: TIMPHENDVULO TEMIBUTO LEMIFISHA**

- 10.1 10.1.1 Letheksthi ineludvweshu lwangaphandle loludvweshu lolunesigameko lesiphambana nembono wemdlali losemcoka. Loludvweshu ngulona dvweshu lolukhulu kulomdlalo. /Ngulona lowenta lendzaba ichubekele embili./ Ngulona lowenta kutsi kube nalokutondzana lokugcwele kulendzaba. (Imibono itaweuhluka.) (1)
- 10.1.2 Thishelanhloko uyabona kutsi Mphikeleli akazange anikwe litfuba lekutiphendvulela nakutsatfwa sincumo sekumcosha esikolweni /Ngaloko bekati kutsi uma anikwe lelifuba utatikhulumela futsi naMatsiya utammela kahle njengemuntfu wemtsetfo. (1)
- 10.1.3
- Mphikeleli ungetulu kweminyaka yebantfwana labemukelwa kulesikolo.
 - Iphothifoliyo yakhe yetifundvo labuya nayo ekudzingisweni abakhoni kuyifundza.
 - Ubuya ejele.
 - Uliphekula tikhuni.
 - Unemfundziso lembi.
 - Utawukhohlakalisa bantfwana. (kubili kwaloku.0 (2)
- 10.1.4 Matsiya ubeka emaciniso. Matsiya ungumuntfu wemtsetfo, emagazethi nemasekhula ahulumende wakuleli vele asho loko lokushiwo nguMatsiya ngemalungelo ebafundzi. (2)
- 10.1.5 Umtsetfosisekelo wakuleli utsi umntfwana unelilungelo lekufundza ngaloko Tsabetse akanayo invumo yekucosha Mphikeleli esikolweni. **Imibono itaweuhluka.** Labanye batawutsi wenta kahle ngoba Umtsetfosisekelo wakuleli utsi bantfwana labangetulu kweminyaka yekufundza, abelulekwe bangene sikolo sasebusuku.. (2)
- 10.1.6 Ingcikitsi yalenoveli yimfundvo. Kuletheksthi Tsabetse uvimbela intfutuko yaMphikeleli ngekumvimbela kutsi achubeke netifundvo takhe. Phela intfutuko ivamise kwenteka kakhulu uma ufundzile. (2)

- 10.1.7 Imibono itawehluka, kepha ifake ekhatsi loku:
- Kubita umhlangano wesigungu kukhulunywe ngalokucoshwa kwemfundzi nguTsabetse.
 - Kuhlala phasi naTsabetse ngimbonise ngenkinga langangena kuyo ngekwephula Umtsetfosisekelo welive.
 - Kubika kulabaphetse ngelubandlululo lolwentiwa nguTsabetse ebantfwaneni besikolwa.
 - Kulandzela umgomo wekucosha lilunga lesigungu, (Imibono itawehluka) (2)
- 10.1.8 Uyisusela ekutsini Tsabetse akafuni kumbona aphumelela. Ufuna kumbona ahlupheka imphilo yakhe yonkhe / Kuhlupheka kufana nemuntfu lofile. Umncishe indzawo yekuhlala, nyalo ufuna kumkhipha esikolweni. (Imibono itawehluka.) (2)
- 10.1.9 Imibono itawehluka, kodvwa ifake ekhatsi loku:
- Bakhona bantfu labadzala labangafiseli bantfwana lokuhle.
 - Ufundza kutsi akusikuhle kuhlukumeta emalungelo ebantfwana.
 - Ufundza kutsi umona awukhokheli.
 - Ufundza kutsi uma usesikhundleni kufanele uphatse bantfu kahle. (2)
- 10.2 10.2.1 -Imimango seyiphethwe ngemameya njengoba naMphikeleli ayimeya nje.
-Banyenti bantfu betinhlangano tembangave labasebentela ummango. (1)
-kuyavotwa/kuyakhethwa.
Nalokunye lokwenteka kulendzaba lokuhambisana nesikhatsi.
- 10.2.2 Imibono itawehluka, kodvwa ifake ekhatsi loku lokulandzelako:
- Lufundza kutsi lulindzele sikhatsi lesingiso ngembi kwekwenta tintfo njengobe Mphikeleli naKhulumile balindza, bacala ngekufundza bacedze sikolo ngembi kwekushada. (1)
 - Kufundza kuhlelembisa tintfo.
- 10.2.3 Indlela Tsabetse bekamtondza ngayo Mphikeleli, wonkhe umuntfu bekabona. Nekutsi umcambele emanga ngekutsi bekasejele, umphatsisikolo wabona. Kucamba emanga ngebatali baMphikeleli bantfu bakubona ngoba netincwadzi tekufa nekungcwatjwa kwabo tagcina tiphuma kuye. (Imibono itawehluka.) (2)
- 10.2.4 Ummango ufundza kutsi kufanele utinikele ekusiteni ummango, ungalindzi kutsi utawukhokhelwa ngaloko/ Ubuye ufundze kutsi kutinikela kuyaphumelelisana kutfutukise nemmango njengoba kutinikela kwboMphikeleli kwayitfutukisa indzawo yaseMbalenhle. (2)

- 10.2.5 Siyahambisana. Mphikeleli utfolakala asita Matsiya ngekumcelela kwelashwa kudokotela Gamedze nenyanga Dlamini ngekuhlanganisa lwati lwendzabuko nelwaseNshonalanga, ngiko lokwente Matsiya avume kuba yindlebe yaMphikeleli abuye ammele kutsi emalungelo akhe angahlukunyetwa boTsabetse ngekumcosha esikolweni. (Imibono itawehluka. Akuvetwe kusitana kwaboMphikeleli naMatsiya.) (3)
[25]

SAMBA SIGABA B: 25

SIGABA C: UMDLALO**KWAHLWA EMINI – JJ Thwala****UMBUTO 11: SAKHIWO SEMDLALO**

Indzabambhalo nesakhiwo semdlalo

SINGENISO SENDZABAMBHALO

Bahlolwa balindzeleke kutsi betfule tigaba tesakhiwo semdlalo-(setfulo, ludvweshu. Sicakacaka, luvutfwandzaba nesiphetfo).

UMTIMBA

Lapha bahlolwa balindzeleke kutsi badzingidze lesi naleso sigaba sesakhiwo semdlalo kuveta loku lokulandzelako:

- **Setfulo**
Umhlolwa avete loku:
 - Umdlali losemcoka
 - Inkinga labukene nayo
 - simonhlalo,
 - simo sendzawo
 - simo sesikhatsi
- **Ludvweshu**
Umhlolwa achaze kutsi luyini ludvweshu, asho lokubanga ludvweshu kulomdlalo. Akhulume ngekubhebhethseka kwalo. Abuye anike netinhlobo teludvweshu letitfolakala kulomdlalo.
- **Sicakacaka**
Umhlolwa achaze sicakacaka, abuye anike tigameko letenta sicakacaka emdlalweni wonkhe.
- **Sicongo/Luvutfwandzaba**
Umhlolwa achaze sicongo abuye asho netigameko letifikisa indzaba esicongweni.
- **Siphetfo**
Umhlolwa asichazele kutsi umdlalo uphetseke njani. Ulicatululile yini lifindvo, usishiye silenga nobe uphele ngengwijikhwebu?

SIPHETFO SENDZABAMBHALO

Umhlolwa uphawula ngekwembono wakhe imphumelelo yembhali ekusitfuleleni lesakhiwo semdlalo wakhe,.

BONA EMARUBHRIKI EKUMAKWA KWENDZABAMBHALO SICHIBIYELO B.

[25]

NOBE

UMBUTO 12: TIMPHENDVULO TEMIBUTO LEMIFISHA

- 12.1 Loku kumveta angumdlali loliphiciphici, uyishaya emuva abuye ayishaye phambili, akaketsembeki /Bekema naMakhosi ngoba acabanga kutsi utawunikwa sikhundla embusweni waMakhosi, manje ngoba Nkhanise vele sewubatzelile nekutsi ngutiphi tikhundla labatathatsa ngoko nje 'atewelapha' Makhosi afuna kumbulala. (2)
- 12.2 Lisu labo belitawenteka ngabona lobusuku lebekutawutsi uma kusa kubekwe Makhosi esihlalweni. Bebefuna kutsi babe nesicininiseko sekutsi vele Makhosi utawulala lapho balungise khona kuze angabaphunyukeli. (2)
- 12.3 Ingcikitsi yalomdlalo ngumbango. Letheksthi ibumbene nalengcikitsi, boNdzabeni batewulwela Nkhanise ngoba bafuna kube nguye lotsatsa lobukhosi hhayi Makhosi. (2)
- 12.4 Amveta angumuntfu losheshe atibone tintfo, uyabona kutsi boNdzabeni bafuna kumentakalisa, ikakhulukatti ngoba besebanamatsele kuNkhanise. Ngiyo lendzaba aze atsi 'Inkhosi inicelile njengemadvodza lewetsembile, kantsi ayati kutsi anisesibo boNdlondlo naboMntungwa lebeyibati, seningulabanye/ Makhosi akafuni kwelashwa /Akametsambi Ndlondlo / akakholelwa etintfweni tekwelashwa. (2)
- 12.5 Sidlaleka kahle kakhulu, asinato tihibe. Badlali baso batsatfu futsi bahleti elawini laMakhosi bakhuluma labete ngako bavalelisa bahamba. (2)
- 12.6 Awasilo liciniso. boNdzabeni bebatewulungiselela lisu labo lekubulala Makhosi./ Aliciniso. Vele inkhosi beyitfume Ndlondlo kutsi ayocinisa Makhosi, kodwa yena wabona litfuba lekuphumelelisa licebo labo lekubulala Makhosi. (2)
- 12.7 Ifanela Nkhanise. Nkhanise ubanga bukhosi naMakhosi, uze uhlangana naNgedze naNdzabeni, bakha lizungu lekulumba sikhali lesitawusetjentiswa nguMkhosi ngelilanga lemcimbi wekumbeka esihlalweni kutsi simbulale. Esikhundleni sekutsi sikhali lesilunjiwe sibulale Makhosi sibulele yena Nkhanise. (2)
- 12.8 Lamagama aNdzabeni bewangesilo liciniso ngoba lokwelashwa lokukhulunywa ngako bekukwelashwa mbumbulu, bekulisu lekubulala Makhosi. (2)
- 12.9 Libandla lemfelandzawonye ngilo lelilwa nekubekwa kwaMakhosi kutsi abe yinkhosi. Libumbene ngoba lokuvakasha kulisu lelisetjentisiwako kulungiselela kubulala Makhosi/ bafuna kuva sifuba saMakhosi kutsi utawuya yini elawini. (2)
- 12.10 Imibono itawehluka. Labanye bahlolwa batawutsi siyahambelana ngoba kwahlwa emini kuMkhalelwa ngekufelwa ngemadvodzana akhe lamabili ngesikhatsi sinye/ kwahlwa emini kulaJele ngekufelwa ngemadvodzana akhe / Kwahlwa emini esiveni saseLusizini ngekufa kwebantfwabenkhosi /Kwahlwa emini kuNkhanise ngoba sewufa angakalibusi. Kwahlwa emini kuMakhosi nekubekwa ngelilanga lekungcwatjwa kwebanakabo. (2)

- 12.11 Siyalubhebhethsekisa ludvweshu. Bongedze naNdzabeni basesigungwini semcovi Nkhanise kulomdlalo. Kuletheksti ngibo labatawusebenta lisu lekuvunyelwene ngalo lekubulala Makhosi. Letheksthi itsatsa ludvweshu iyolubeka esicakacakeni salomdlalo/ Bongedze batsi makhosi aye elawini ayokwelashwa, Makhosi uyala. Luku kwenta ludvweshu lubhebhethseke kakhulu luye esicongweni ngobe ababoni ngeliso linye. (2)
- 12.12 Lisiko lelikhulu kulomdlalo nguleli lekutsi litibulo lenkhosi lemfana ngilo lelitsatsa bukhosi uma inkhosi ikhotsama. Lelinye nguleli lelitsi inkhosi kufanele yelashwe ngembi kwekutsi itsatse tintsambo tekubusa. Lamasiko anemtselela lomubi kakhulu emndenini wakaNhlapho ngoba adale umbango emadvodzaneni akhe futsi ngiwo lenta kutsi Mkhalelwa agcine afelwa bantfwana ngoba nabo batsi babulala lotawutsatsa bukhosi. (3)

[25]**NOBE****UMVUZO – NS Nzima****UMBUTO 13: INDZABAMBHALO**

Indlela umdlalo losefulela ngayo kutfutukiswa kwemakhono ekubamba lichaza etingcocweni temacembu.

Sib.

SINGENISO:

Bahlolwa bachaza sihloko, basho ngalokufisha kutsi kubaluleke ngani kutsi bafundzi bafundziswe indlela lenhle yekubamba lichaza etingcocweni temacembu – njengebuholi; kuhlonipha imibono yalabanye; kungangenani emlonyeni ngekunikana ematfuba ekukhuluma; kucabanga ngalokujulile; kwetfula babuye bavikele imibono yabo, njll

UMTIMBA:

Bahlolwa abaphawule ngalamaphuzu lalandzelako:

- Buholi: Bafundzi labafana naboBatjele naboSakhile bebahola tingcoco emkhatsini webantfu labamenyiwe kutsi batewetfula tinkhulumo esikolweni sabo.
- Kubandzakanyeka kwebafundzi ekutsatseni tincumo temmango njengekucamba emagama etikhungo lapho bacamba tikhungo tesikolo sabo.
- Imibuto beyicocelwa ndzawonye kute kubete kuphazamisana njengekungenana emlonyeni, lapho bebanikwa ematfuba ekukhuluma nekubuta.
- Imibono lebeyinikwa tikhulumi bebayihlonipha kantsi nato tikhulumi betiyihlonipha imibono yebafundzi – sib Siwela wanikwa inhlonipho njengobe kwanikwa dokotela wangabukelwa phasi ngobe elapha ngesintfu.
- Bekutsi nakufakwa inselele ngemibono yabo bayesekele babuye bayivikele – sib. Satile walinga kuphikisa bangani bakhe nabamtjela ngesimilo sakhe kodvwa bambonisa kutsi loko labamtjela kona kuyamakha.

SIPHETFO:

Bahlolwa balindzeleke kutsi basonge emaphuzu labacoce ngawo emtimbeni wendzaba – besekele sihloko – basho kutsi bafundzi labafundziswa kulawula tingcoco temacembu batawuba baholi labakahle emmangweni nakunetinkhulumiswano emimangweni lapho sebabaholi belive, babatali, etigungwini letitsite, kutembangave, (Imibono itawehluka)

BONA EMARUBHRIKI EKUMAKWA KWENDZABAMBHALO SICHIBIYELO B.

[25]

NOBE**UMBUTO 14: TIMPHENDVULO TEMIBUTO LEMIFISHA**

- 14.1 Kunesigameko lapho bafundzi bacamba emabito etikhungo babonisana ngemibono yemagama labangawasebentisa kunekutsi tincumo titsatfwe ngumuntfu munye nje/ Kuvunyelwa kwenyanga kutsi itewukhuluma nebafundzi. (1)
- 14.2 Tetsamelilwati tifundza inhlonipho/ kusebentisana /kubumbana kwebangani/ kubumbana kwemmango nesikolo/ kubaluleka kwemfundvo, kutiphatsa kahle kwelusha/ kulalela nawekhutwa. (Kunye kuphela). (1)
- 14.3 Bantfu labanetinkinga tekutiphatsa naletinye tinkinga tetenhlalo bangasitakala kubodokotela bengcondvo, etibhedlela, kubosonhlalakahle, etikolweni, emasontfweni, naletiyi tikhungo letemukelekako/ Litiko letenhlalakahle/ Sikhungo sekulungiswa nekucondziswa kwetimilo. (Kubili kuphela) (2)
- 14.4 Emkhuphukantsaba bafundzi bebabitelwa bantfu labanelwati ngemikhakha leyehlukene yemisebenti njengeabodokotela Makhubu, bothishela, tinyanga njengaSiwela, nalabanye kutsi batewubachazela ngemphilo ngaphandle. (2)
- 14.5 Umbhali ufuna kufundzisa tetsamelilwati takhe ngekubaluleka kwebunyanga emmangweni nekuhlanganisa inchubo yelwati lwendzabuko neyasenshonalanga njengobe kwenteka lomuhla lapha eNingizimu Afrika. (2)
- 14.6 Incenye lenkhulu yalomdlalo tonkhe tintfo tihamba kahle ngekuthula, ludvweshu lubonakala lapho unina waSatile angahambisani nekuya kwebantfu esikolweni bayococa nebantfwababo ngemisebenti yabo; sibuye silutfole nalapho Satile naMlandzeli behlukana ngemibono nebangani babo ngenca yetimilo tabo, baphendvulana kamatima ngemagama/ Esikhatsini lesinyenti ludvweshu alubonakali. (2)
- 14.7 Njalo mhla tingemashumi lamabili nane enyangeni yeNyoni kugujwa umkhosi wemagugu, emasiko, imihambo nemisimeto yetive letehlukahlukene. Loko kugcugcutelwa Litiko Letemasiko, Temidlalo neTekukhibika, lapho kubukiswa ngemvunulo, kudla kwendzabuko, imigidvo yendzabuko, nalokunye. (2)
- 14.8 Ingcikitsi yalomdlalo yimfundvo. Sikhatsi lekwenteka ngaso lomdlalo sikhatsi sanyalo lapho kufundvwa imfundvo yemakhono nemiphumela. Sikhatsi nengcikitsi kubumbene kahle kakhulu. (2)

- 14.9 Imibono itawehluka. Labanye batawutsi labo bebasebenta ngekutimisela baphumelela njengobe bekulindzelwe, kantsi labo bebangasebenti njengaSatile naMlandzeli vele abazange baphumelele ngaloko ayikho ingwijikhwebu. Labanye batawutsi kuntjintja kwetimilo taboSatile naMlandzeli ngiyo ingwijikhwebu kodvwa bafanele bati kutsi ingwijikhwebu isesiphetfweni / Uphumelele ngoba Satile abebonakala atiphetse kahle kodvwa ekugcineni sewuyagula. (2)
- 14.10 Kusho kutsi uma ungalaleli ugcina uvelelwa ngulokubi. BoSatile naMlandzeli abazange balalele nabelulekwa ngetimilo tabo, bagcina bangakaphumeleli etifundvweni tabo. (2)
- 14.11 Lomdlalo ungalaleka kahle kakhulu esiteji ngobe uyinkhulumiswano nje kuphela, kute lokungaba tihibe esiteji. (2)
- 14.12 Sibekandzaba sesikhatsi kulomdlalo sikhatsi salomuhla lapho indlela yekufundzisa ilandzela imfundvo yemiphumela nemacophelo ekuhlola lezuzwa ngekutfutukiswa kwemakhono latsite. Kuphindze kukhulunywe nangesikhatsi sekuphela kwemnyaka lapho kulindzelwe khona imiphumela yeluhlolo lwebafundzi belibanga lelishumi nambili. Konkhe loko kubumbene kahle kakhulu nengcikitsi **leyimfundvo** kulomdlalo. (Imibono itawehluka) (2)
- 14.13 Umbhali usecwayise ngemphilo yaDokotela Makhubu lobekanebatali labangakafundzi futsi baphuyile kodvwa wafundza waba ngudokotela ngekubamba ematoho nangekukhutsatwa batali bakhe/ BoBatjele naSakhile nabo batali babo abakafundzi. (3)
[25]

SAMBA SIGABA C: 25
SAMBA SAKOKONKHE: 80

TICHIBIYELO**SICHIBIYELO A****EMARUBHRIKI EKUMAKA TINKONDLO**

EMARUBRIKI EKUMAKA INDZABAMBHALO YETINKONDLO LULWIMI LWASEKHAYA 10 EMAMAKI	LULWIMI Sakhiwo, kutselelana emanti kwemibono kanye nesefulo. Lulwimi, umoya. Nesitayela lesisetjentiwe endzabenimbhala	Emalengiso Kunekubumbana kwesakhiwo - Singeniso nesiphetho kungemalengiso. - Imibono yakheke kahle yatfutukiswa ngemalengiso. - Lulwimi, liphimbo nesitayela kuvutsiwe kungemalengiso.	Licophelo lelisetulu - Ithekesti yakheke ngelicophelo lelisetulu. - Singeniso nesiphetho kusecophelweni lelisetulu. - Imibono ilandzeleka kalula. - Lulwimi, liphimbo nesitayela kulungile kuhambisana nenjongo. - Umbhalo wetfulwe kahle.	Lokuncomekako - Sakhiwo lesicacile nemibono levakalako. - Singeniso nesiphetho naletinye tindzima kubumbene. - Imibono iyevakala Lulwimi, liphimbo nesitayela kulungile .	Lokwenetisako - Kunebufakazi lobutsite besakhiwo. - Umbhalo awuviseki futsi awukabumbani. - Kunemaphutsa lambalwa elulwimi, -liphimbo nesitayela lokufanene. - Tindzima tikahle.	Lokulingene - Sakhiwo siveta emaphutsa ekuhlela. - Imibono ihlangahlangene. - Kunemaphutsa elulwimi. - liphimbo nesitayela akuhambisani nenhloso yembhalo. - Tindzima tinemaphutsa.	Lokuyincenye - Kwetfuleka kabi nekungahleleki kwesakhiwo kwenta imibono ingevakali. - Emaphutsa elulwimi. nesitayela lesingakalungi kwenta umbhalo longenamphumelelo. - Tindzima inemaphutsa.	Lokungenamphumelelo - Kulikhuni kubona kutsi sihlolo silandzelwe. - Akunabufakazi bekuhlela futsi akuvakali. - Lulwimi lunemaphutsa lamanyenti. - liphimbo nesitayela lokungakalungi. - akunatindzima nekubumbana.
LOKUCUKETFFE Kuvisisa sihlolo. Kujula kwemibono, kwesekela nekuvisisa inkondlo		7 80 – 100%	6 70 – 79%	5 60 – 69%	4 50 – 59%	3 40 – 49%	2 30 – 39%	1 0 – 29%
Emalengiso Uvisisa sihlolo ngalokujulile, kwehlwaywe tonkhe tinlangotsi. Timphendvulo letingemalengiso: 90%+. Timphendvulo letisecophelweni lelisetulu: 80 – 89%. Tindhlobo letehlukile temibono lebanti lehehako tesekelwe ngemalengiso ngekuqaphuna enkondlweni. Uvisisa luhlobo lwembhalo kanye nenkondlo ngemalengiso.	7 80 – 100%	8 – 10	7 – 7 ½	7 – 8				

Licophelo lelisetulu Uvisisa sihloko ngelicophelo lelisetulu, kwehlwaywe tonkhe tinhlangothi ngalokwenetisako. Timphendvulo letinemininingwane lephelele. Kunikwe tinhlobo letehlukene temibono levakalako, yesekelwe kahle ngekucaphuna enkondweni. Uvisisa luhlobo lwembhalo nenkondlo ngelicophelo lelisetulu.	6 70 – 79%	7 ½ – 8 ½	7 – 8	6 ½ – 7 ½	6 – 7			
Lokuncomekako Ukhombisa kuvisisa abuye ahumushe sihloko ngalokuncomekako. Imphendvulo inemininingwane lencomekako. Unikete imibono levakalako, kepha ayikesekelwa yonkhe ngendlela lelindzelekile. Kunebufakazi bekuvisisa luhlobo lwembhalo nenkondlo ngalokuncomekako	5 60 – 69%	7 – 8	6 ½ – 7 ½	6 – 7	5 ½ – 6 ½	5 – 6		
Lokwenetisako Uhumushe sihloko ngalokwenetisako. lamany e emaphuzu awakahlolisiswa Kunemaphuzu latsite lamahle lasekele sihloko. Leminye imibono yesekelwe kepha bufakazi kulesinye sikhatsi abenetisi. Kunekuvisisa luhlobo lwembhalo nenkondlo ngalokwenetisako.	4 50 – 59%		6 – 7	5 ½ – 6 ½	5 – 6	4 ½ – 5 ½	4 – 5	

Lokulingene Umtamo lolingene wekuphendvula umbuto. Imphendvulo ikhombisa lwati loluncane ngesihloko. Imibono ayanelisi kunekusekela lokuncane lokuchamuka enkondlweni. Umfundzi usengakaluvisisi luhlobo lwembhalo nobe inkondlo.	3 40 – 49%			5 – 6	4 ½ – 5 ½	4 – 5	3 ½ – 4 ½	3 – 4
Lokuyincenye Akavisisi sihloko. Imphendvulo inekuphindzaphindza kulesinye sikhatsi iphumile esihlokweni. Imibona ayikajuli, emaphutsa ekhumusha/ Imibono ayikasekelwa ngalokusenkondlweni. Umfundzi akanalwati lweluhlobo lwembhalo nobe inkondlo.	2 30 – 39%				4 – 5	3 ½ – 4 ½	3 – 4	1 – 3 ½
Lokungenamphumelelo Imphendvulo iinekuhamisana lokutsite nesihloko kepha kulikhuni kuyilandzela nobe esikhatsini lesinyenti iyanhlanhlatsa. Wehlulekile kuphendvula sihloko. Umfundzi akanalwati lweluhlobo lwembhalo nobe inkondlo.	1 0 – 29%					3 – 4	1 – 3 ½	0 – 3

[10]

SICHIBIYELO B**EMARUBHRIKI EKUMAKA INDZABAMBHALO YENOVELI NEMDLALO****I-Rubhriki yekuhlola I eseyi yeTemibhalo-[25 emamaki]**

EMAZINGA EMAMAKI LAKLONYELISWAKO		LOKUCUKETFWE [15] KUCHAZWA KWESIHLOKO, KUJULA KWEMIBONO, KUSEKELA NEKUVISISA UMSEBENTI LOMELE WENTIWE.	EMAMAKI LAKLONYELI- SWAKO NALOKUPHA- WULWAKO	SAKHIWO NELULWIMI [10] KUHLELEKA KWEMISEBENTI NEKUSENTJETISWA KWELULWIMI. LUHLAKA,SAKHIWO KULANDZELANA NEKWETFULWA KWEMIBONO -KUSENTJETISWA KWELULWIMI ITHONI NESITAYELA LESIFANELE.
Lizinga 7 80%- 100%	Emalengiso 12-15 Emamaki	-Sihloko usivisa ngalokujulile -Tonkhe tinhlangothi tesihloko tidzingidvwe ngalokuphelele -Imphendvulo ingemalengiso(90%-100%) -Kunemibono lenembako levakalako lesekelwe ngekucaphuna encwadzi lefundwako. -Luhlobo lwemibhalo nencwadzi lefundwako ukuvisisa kahle.	Emalengiso 08-10 Emamaki	-Sakhiwo sihleleke kahle , tindzima tikhomba budlelwano bemicondvo lobuhlanganiswe ngebuciko. - Singeniso nesiphetho kubhaleke kahle kakhulu. -Imibono lebalulekile ihlelwe kahle kakhulu yasekelwa ngalokuvakalako. -Lulwimi, ithoni nesitayela kukhomba kucabanga lokutfutukile, lokuncomekako nalokwemukelekako.
Lizinga 6 70%- 79%	Licophelo Lelisetulu 10½-11½ Emamaki	-Sihloko sichazwe ngendlela lekomba kuvisisa umsebenzi. Tonkhe tinhlangothi tesihloko tidzingidvwe ngalokwanele. - Imphendvulo inemininingwane yonkhe ledzingekako. - Imibono levakalako minyentana, -Isekelwe kahle ngekucaphuna encwadzi lefundwako. -Luhlobo lwetemibhalo nencwadzi ukuvisisa kahle.	Licophelo lelisetulu 7-7½ emamaki	-Indzaba ihleleke kahle -Singeniso nesiphetho kuhle kakhulu. -Imicondvo, nemibono yakhe ilandzeleka kalula. - Lulwimi, ithoni. nesitayela kwemukelekile futsi kuhambisana nenhlosongco yemibhalo. -Indzaba yetfuleke kahle.
Lizinga 5 60%- 69%	Lokuncomekako 09-10 Emamaki	-Indzaba ikhomba kuvisisa nekusichaza kahle sihloko. -Imphendvulo inemininingwane lencomekako. -Leminye imibono levakalako iniketwe yasekelwa ngekucaphuna encwadzi ,kodwa hhayi ngalokunembako -Tikhona tinkhomba tekuvisisa luhlobo lwetemibhalo kanye nencwadzi lefundwako.	Lokuncomeka ko 6-6½ Emamaki	-Sakhiwo siyacaca nemicondvo yetfulwe ngalokulandzelekako. -Singeniso, siphetho,naletinye tindzima kuhleleke ngalokukhomba budlelwane bemicondvo. - Kwetfulwa kwemibono kuyalandzeleka. - Lulwimi, ithoni, nesitayela kuyancomeka futsi kuyemukeleka.

Lizinga 4 50%-59%	Lokwenetisako 7½-8½ Emamaki	-Sihloko sichazwe ngalokwenetisako kodvwa akakhoni kudzingidza tonkhe tinhlangotsi -Ikhona leminye imibono lesekelwa sihloko. -Cishe yonkhe imibono yesekelwe kodvwa lobufakazi abusibo lobujabulisako -Luhlobo lweTemibhalo nencwadzi ukuvisisa kancane.	Lokwenetisako 5-5½ Emamaki	-Tikhonyana tinkhomba tekuhleleka kwendzaba. -Indzaba ite kahle sakhiwo lesinemicondvo lelandzelekako lebumbene kahle. -Kunemaphutsa ekusebentiseni lulwimi , - ithoni nesitayela kusebentiseke kahle. -Sikhatsi lesinyenti tindzima cishe tibhaleke kahle.
Lizinga 3 40%-49%	Lokulingene 06-07 Emamaki	-Imphendvulo ayinalo lisasasa, ayihehi. -Imphendvulo ikhomba kusivisisa kancane sihloko. - Imibono ayivakali kahle futsi uyisebentisa kancane incwadzi kwesekela imibono yakhe. -Umfundzi akaluvisisi kahle luhlobo lwembhalo noma lencwadzi lefundvwako.	Lokulingene 4-4½ Emamaki	-Luhlaka nesakhiwo lunemaphutsa - Imibono ayikahleleki ngalokukhomba kuhambelana kwemicondvo - Kunemaphutsa ekuhleleni tindzima. -Kunemaphutsa ekusebentiseni lulwimi. - Ithoni nesitayela akuhambisani nenhloso yalombhalo.
Lizinga 2 30%-39%	Lokuyincenye 4½-5½ Emamaki	-Sihloko usivisisa kancane ngalokungenetisi. -Uyatiphindzaphindza, ahle aphuma nasesihlokwani anhlahlatsa. -Imibono ayijuli, inchazelo yesihloko inemaphutsa -Imibono ayikasekelwa ngekucaphuna encwadzi lefundvwako. - Incwadzi akayati kahle neluhlobo lwetemibhalo akaluvisisi kahle.	Lokuyincenye 3-3½ Emamaki	-Indzaba yetfulwe ngalokungenelisi -Kweswelakala kwesakhiwo kwenta imibono ingalandzeleki. -Lamaphutsa lamanyenti avele ente le eseyi ibe ngumbhalo longakaphumeleli.
Lizinga 1 0%-29 %	Akunamphumelelo 0-4 Emamaki	-Imphendvulo inako kuhambelana nesihloko kodvwa imibono ilandzeleka kalukhuni. -kulesinye sikhatsi ayihambelani nesihloko. -Umbuto awukaphendvuleki ngendlela lefanele . - Imibono lemincane lekhona ayikasekelwa ngekucaphuna encwadzi lefundvwako. -Kuvisisa luhlobo lwetemibhalo noma incwadzi lefundvwako kusezingeni leliphansi kakhulu.	Akunamphumelelo 00-02 Emamaki	-Kulukhuni kubona kutsi uphendvula ngesihloko labutwe ngaso. - Kute luhlaka nesakhiwo -Kute tindzima noma kuchumana kwetindzima noma kwemicondvo. - Lizinga lekusebentisa lulwimi liphasi kakhulu. - Ithoni nesitayela akukasebentiseki kahle.

[25]

SAMBA: 80